

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XCIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

Clementiam quondam *Ducissam Zeringie* in captivitate, in qua tenetur, debeamus liberare - - altera etiam lata est sententia coram nobis, quod nos predictam Dominam *Clementiam* mittere debeamus in possessionem castri *Burdorf* & omnium bonorum, que dive memorie *B. Dux Zaringie* in dote contulit eidem, aut loco ipsius Domine *C.* patrem ejus *Stephanum* Comitem *Burgundiæ* nomine tutoris - - - testes *Engelbertus* Colonienfis, *Thiedricus* Trevirensis, *Gerardus* Bifuntinus Archiepiscopi, *Sifridus* Augulstensis, *Willelmus* Laufanensis, *Heinricus* Basiliensis Episcopi, Comes *Willelmus* Gebennensis, Comes *Rudolfus* de Havspure, *Cuonradus* Pincerna de Schipffa, *Eberhardus* Dapifer de Walpurg. Datum apud Bernum V. Kal. Jan. Indiçt. XIII. Anno Dom. incarnat. MCCXXIV. Anno regni nostri V.

 XCIII.

FRIDERICI II. IMPER. LITERAE AD EGENONEM
COMITEM DE URACH.

 A N N O M C C X X V I.

Ex authentico Bada-Durlacensi.

Fridericus Rex Dei gratia Rom. Imperator semper Aug. Jerusalem & Sicilie Rex. Dilecto consanguineo & fideli suo. *Egenon. Comiti de Huca*, gratiam suam & bonam voluntatem. Cum ex innata celsitudini nostre clemencia ad gratiam nostram a qua per indevotionem recess-


feras, propter devotionis meritum quod te deinceps speramus non immerito promereri; personam tuam restituerimus ad plenum & liberaliter & libenter, ob dilectionem & favorem quem erga venerabilem C. Portuensem Episcopum Sacre Romane ecclesie cardinalem fratrem tuum specialiter gerimus & habemus in hoc & in majoribus erga personam tuam nos valde propicios & benignos reddere disponentes, concordiam illam & pacem, que inter Karissimum filium nostrum Henricum Regem Romanorum illustrem ex una parte, & te ex altera, aput Spiream deliberrato principum nostrorum qui ibidem aderant consilio provide extitit ordinata, ratam & firmam habuimus & habemus. Ceterum quia intelleximus strenuitatem tuam crucis signaculum pro terre sancte subsidio assumpsisse, letati fuimus, ut in ipso sancto itinere te fructuosum & ydoneum supportatorem habentes, eo ad condigne remunerationis premia amplianda erga te specialius excitemur, quo tue devotionis merita per cotidianas experientias evidenter ibidem poterimus experiri. Volentes igitur ut conceptum tuum favorabile votum nostra subventionem securius & liberiori exequaris, fidelitati tue mandamus, quatinus ad executionem tam sancti propositi te potenter & magnifice studeas preparare. Nos enim cum ad nos perveneris in passagio, triginta vel quadraginta militum vel etiam ampliori tibi libere curabimus providere. In competenti & congrua aliorum subventionem, juxta consilium memorati cardinalis, cui in hoc & in aliis disponimus complacere, & etiam fratris H. (a) Magistri hospital. Theuton. devotionem tuam tam

(a) De Hermanno de Salza Magistro hospitalis S. Mariæ Teutonicorum vid. GODEFRIDI MONACH. *Annales* ad A. 1224. apud FREHERUM Tom. I.

libenter & liberaliter respicere proponentes, quod eidem Cardinali id erit gratissimum & acceptum. Tuque proinde ad nostra obsequia in perpetuum remanebis specialius obligatus. Datum ap. Burg. Sancti Domini XVIII. Julii XIII. Indict.

||
(L. S. major.)

Nota: Indictio XIV. ostendit, Diploma hoc datum esse A. 1226.



XCIV.

EXCERPTA EX HERMANNI ET HENRICI MARCHIONUM BADENSIIUM DONATIONE HEREDITATIS SUÆ DAGSBURGICAE, ECCLESIAE ARGENT. FACTA.

A N N O M C C X X V I.

Ex Archivo Episcopali & maioris Capituli Argentin. ap. Lagnille Hist. d'Alsace Probat. p. 33.

HERMANNUS & HENRICUS fratres Dei gratia *Marchiones de Baden* - - - Univerfam hereditatem in Episcopatu Metensi, Argentinensi, & Basiliensi ubicunque sitam, & ad nos ratione successionis per neptem nostram Gertrudim Comitissam bonæ memoriæ filiam Comitis Alberti de Tagisburc, jure sive proprietario sive hereditario seu alio quoque modo devolutam Ecclesiæ integraliter contulimus memoratæ tam in castris, oppidis, villis, possessionibus quibuscunque, hominibus rusticis scilicet ministerialibus & va fallis, &c. Ad majorem autem cautelam & effica-